

EW NAMOPWUNG

A forata ew Mortlocks Development Commission fan iten an epwe tumwunu efeeitan angangen project, me pwan ren ekkoch popun.

EPWE PWUNG MEREN EWE ANEEPWUNGUN CHUUK:

1 Tetten 1. Forutaan. Iei a foruta ew Mortlocks Development Commission fan iten
2 an epwe tumwunu efeeitan angangen project. Chon angangen ena commission epwe
3 emon project coordinator, esapw kukkun seni unumon (3) secretaries me emon project
4 inspector, nge ir meinisin repwe kefinita meren monun ewe Aneepwungun Chuuk me
5 ewe FSM Congress tupwun ewe kinikin Mortlock. Niwinin me aninnisin chon angangen
6 ena commission epwe foruta meren ekkewe chon finata chon angang.

7 Tetten 2. Kinikinin Nenien Angang. Ewe commission epwe angang ngeni Upper
8 Mortlock, Mid-Mortlock me Lower Mortlock.

9 Tetten 3. Pochokkunan, Wiisan. Ewe commission epwe wor an pochokkun an
10 epwe:

- 11 1) annou moni mi kawor me tou ngeni ewe commission seni annukun
12 Chuuk me ewe Mwanap fan iten projects ren ewe kinikin Mortlock;
- 13 2) eineti me fori etipeew fan iten projects nge epwe akkomw sokuru
14 ekewe bids mi katonong seni rewenipwosun Micronesia me ekewe
15 sopai an chon Micronesia mi unusen tufich me tongeni ne fori
16 angangen ekewe projects tori an epwe nimenimochchuno angangen
17 non an esapw pwan mang;
- 18 3) forata me tumwunu an pwisin accounting system fan iten tumwunun
19 me ammwokutun moni;
- 20 4) poputani angangen, angei, cheki me fori control documents mi auchea
21 ren katoun monien projects mi kawor ngeni ewe commission fiti
22 pwungun annuk;
- 23 5) kapwung ngeni me epwe tonong non kapwung fan pwisin itan, nge
24 meinisin niwinin kapwung mi kuu ewe commission nupwen an fori an
25 mwokutukut mi somwoseni met aukukuk mi kawor me non ei annuk

1 esapw ew niwin minne ewe Mwun Chuuk ika ew mwun epwe awesi;
2 me
3 6) fori sakkun angang mi auchea me pwungeoch fan iten an anganga
4 wiisan mi affat me non ei annuk.

5 Tetten 4. Mwumwutaan. Iei a mwumwuta an ewe commission epwe angei me
6 epwe kawor ngeni moni mi tou seni ewe Monienapen ewe Mwun Chuuk minne mi einet
7 me/ika kawor ngeni ewe kinikin Mortlock fan iten monien amwokutun angangen ewe
8 commission.

9 Tetten 5. Repwotun Moni. Ewe commission epwe fori me tumwunu repwotun
10 nounoun moni non ew me ew quarter fan iten meinisin moni mi angei me tou ngeni me
11 epwe nochchei pwe ekkena repwot epwe kawor ngeni ewe Aneepwungun Chuuk non an
12 epwe titin ngeni ekkewe sou aneepwung tupwun ewe kinikin Mortlock.

13 Tetten 6. Poputan Pochokkunan. Ei annuk epwe poputa pochokkunan fansoun an
14 a kapwunguno meren ewe Kepina, ika fansoun an a pwisin winiti annuk won winikapan.

Annetata:

J. Herter Sorim
Herter Sorim, Chief Clerk
Utten Representatives
Aneepwungun Chuuk

Annetata:

Songkmita Bossy
Songkmita Bossy, Chief Clerk
Senate
Aneepwungun Chuuk

Sain seni:

Bonciano
Bonciano (Fasy) Nethon, Speaker
Utten Representatives
Aneepwungun Chuuk

Pwinin maram:

June 14, 2002

Sain seni:

Detor Santos
Detor Santos, President
Senate,
Aneepwungun Chuuk

Pwinin maram:

June 07, 2002

Kopwunguno seni:

Ansito Walter
Ansito Walter, Kepina
Mwun Chuuk

Pwinin maram:

6/17/02

Uruwon

H.B.NO: 6-39;HD1
H.S.C.R.NO: Ese Wor
S.S.C.R.NO: Ese Wor